

ACTA Nº6 DO TRIBUNAL DE SELECCIÓN NO PROCESO DE ACCESO EN PROPIEDAD A DÚAS PRAZAS DE TÉCNICO MEDIO DE XESTIÓN EN QUENDA DE PROMOCIÓN INTERNA. REUCRUSO DE ALZADA E RECURSO DE REPOSICIÓN.

Expte nº 2024/G004/000199

Sendo as 12:00 horas do día 19 de xuño de 2026, reúnense no despacho de Secretaría Xeral do Pleno do Excmo. Concello de Lugo, Actas e Goberno, os membros do Tribunal designados/as por acordo 5/36 da Xunta de Goberno Local do 11 de febreiro de 2026.

Mediante acordo de data 20 de marzo de 2024, a Xunta de Goberno Local prestou aprobación ás bases específicas para o acceso en propiedade a tres prazas de técnico medio de xestión pertencente ao cadro de perosal funcionario do Excmo. Concello de Lugo en quenda de promoción interna pertencentes unha á OPE 2022 e dúas á de 2023 (acordo á súa vez modificado en Xunta de Goberno Local en sesión de 24 de abril de 2024). A convocatoria resolvéuse mediante Decreto 3611/2024, do 19 de abril e a lista definitiva de admitidos e excluídos aprobouse por Decreto 10204/2025, do 31 de outubro de 2025. Mediante Decreto nº885/2026, de 5 de febreiro, resólvese conservar todos os actos administrativos dictados agás os relativos á praza correspondente á OPE 2022.

Preside o acto a presidenta titular dona Dona Natalia Framil Rego, xefa de servizo do Órgano de Xestión Económico financeiro do Excmo. Concello de Lugo do Concello de Lugo.

Actúan como vogais titulares Dona María Aranzazu Sastre Carracedo, tesoureira do Concello de Lugo, Dona Carmen Flores Pardo e letrada municipal do Concello de Lugo. Como secretaria titular dona Ana María Rivas García, secretaria xeral do Pleno do Concello de Lugo.

Comprobado o quorum de asistencia e por estar todos os seus membros titulares presentes, dase por iniciada a sesión.

I. RECURSO DE ALZADA INTERPOSTO POR DONA JULIA SANTIAGO VÁZQUEZ.

Se da conta do presentado por Dona Julia Santiago Vázquez, asinado o 15 de xuño de 2026.

Sen entrar a valorar as cuestións relativas aos requisitos de tempo, órgano competente para resolver e forma e fondo que exceden da competencia deste Tribunal, se entra na parte do fondo do asunto relativo ás obxeccións postas de manifesto pola recurrente en relación á proba práctica do proceso de selección para

a

Refª: ispac2274277140185860404.doc

Asunto: ACTA 6 DE TRIBUNAL DE SELECCIÓN EN PROCESO DE ACCESO EN PROPIEDAD A DÚAS PRAZAS DE TÉCNICO MEDIO DE XESTIÓN EN QUENDA DE PROMOCIÓN INTERNA

o acceso en propiedade a dúas prazas de técnico medio de xestión pertencente ao cadro de perosal funcionario do Excmo. Concello de Lugo en quenda de promoción interna.

En relación ás alegacións formuladas no seu momento pola recorrente este Tribunal xa se manifestou sobre a non procedencia da revisión e nova valoración do suposto 1 polos seguintes motivos:

a) Pregúntase *pola natureza xurídica da ocupación* do ben de dominio público local e non pola natureza xurídica da autorización para a realización do evento (*licenzas, comunicacións previas, declaracións responsables...*)

Na resposta deberíase facer referencia a que se trata da *ocupación* dun ben de dominio e uso público, en concreto, dun uso común **xeral*, debendo precisar aquí que se cometeu un erro de transcripción na contestación ás alegacións da agora recorrente, pois se trata dun uso común **especial** como se deduce do seguinte parágrafo da propia acta número 5 e que en calquera caso, como tal uso común especial, precisa de autorización administrativa.

Reitérase que se precisaba unha análise xurídica das distintas clases de ocupación dun ben de dominio e uso público e a súa calificación.

b) Como o procedemento para a tramitación da autorización do uso común especial dos bens de dominio público non se atopa regulado especificamente, debe seguirse o previsto como procedemento administrativo común regulado na Lei 39/2015, do 1 de outubro, de Procedemento Administrativo común das Administracións Públicas.

A alegante agora recorrente, non distingue entre a autorización para a ocupación do ben de dominio público (ao que non contesta) coa tramitación necesaria para a realización do evento, para o que o promotor debería presentar declaración responsable, pero que ademáis, no exame, calificou de licenza. Non está dito evento dentro dos supostos do artigo 41 da Lei 9/2013, de 19 de decembro de emprendemento e da competitividade económica de Galicia, para os que se esixe licenza.

A documentación que aportou no seu día para fundamentar a súa alegación é a que corresponde a dita declaración responsable como ben se deduce do texto do Decreto achegado "Vista a Declaración Responsable presentada por... para a celebración dun espectáculo musical..."

Como fundamentación do recurso de alzada interposto aporta documentación que non desvirtúa as consideracións feitas na resolución das alegacións presentadas e atendidas na citada acta nº 5 (coa salvedade feita anteriormente).

Os criterios de corrección están publicados e a puntuación outorgada responde a que a contestación é incorrecta como queda indicado nos parágrafos anteriores.

II. RECURSO DE REPOSICIÓN POR DONA JULIA SANTIAGO VÁZQUEZ .

Dona Julia Santiago Vázquez, presenta recurso de reposición suscrito con data 17/06/2026 contra o Decreto publicado no BOP de Lugo nº 136 de dta 16 de xuño de 2026, no que se publica a relación definitiva de aspirantes que superaron o proceso selectivo e se lles require a presentación de documentación previa ao seu nomeamento. Este Tribunal considera que se trata dun acto trámite, polo que este recurso debería terse interposto, de selo caso contra o acto administrativo ditado polo órgano competente para o nomeamento das funcionarias. Así mesmo en relación á petición de suspensión do proceso selectivo en tanto non se resolva o recurso de alzada presentado, non é procedente ao abeiro do artigo 117 da Lei 39/2015, do 1 de outubro, do procedemento administrativo común das AAPP. Porque a execución do acto non xera prexuízo de imposible ou difícil reparación, sendo pola contra maiores os prexuízos que causa á Administración a non incorporación de persoal necesario para o seu funcionamento ordinario. E tampouco concurren vicios que conleven a nulidade de pleno dereito previstas no artigo 47.1 da mesma lei porque a simple invocación do principio de igualdade non conleva, sen acreditar, a sanción máis grave prevista no noso ordenamento xurídico.

O Tribunal, ACORDA por unanimidade:

Propoñer a desestimación do recurso de alzada interposto por Dona Julia Santiago Vázquez, nos termos indicados no punto I. da presente acta, así como da petición de suspensión do procedemento selectivo solicitado do recurso de alzada e no de reposición nos termos indicados no punto II.

E para que conste asinan a presente acta os membros do Tribunal enriba citados, dando por finalizado o acto ás 12:35 horas do día 19 de xuño de 2026, de todo o que como Secretaria do Tribunal dou fe.